

البقاء لله ..؟!!

وواقفة حبيبتى قدامى

وهى رايحة مش راجعة

وتبكى عليا ايامى

وتسقط من عيونى دمعاه

وباتفرج على حالى

وقادرة تقولها لى ف وشى

مجاش ابداء على بالى

تسيبنى حبيبتى يوم تمشى



عموما ما تشيليش همى

هالاقى حل مع حبي

وبالنسبة كده لقلبى

البقاء لله ..!!!

وشد يا قلبى كده حيلك

وربى معاك وهيعينك

ومن جوايا بادعينك

وهى حياه !!..



وبان متماسك من بره

ولو جواك فيه نار قايدہ

ومش مرة دى كذا مره

يا قلبى خلاص مفيش فايدہ

هترجع تانى برضه تحن

ودا عيبك ومشكلتك

وانا هاعمل ساعتها كأن

ولا عرفتك ولا شوفتك !!..

